



Bosnia and Herzegovina
Federation of Bosnia and Herzegovina

CANTON SARAJEVO
Public Defender's Office of Sarajevo Canton

Broj: Pk-194/2022
Sarajevo, 14.06.2022. godine

Босна и Херцеговина
Федерација Босне и Херцеговине
КАНТОН САРАЈЕВО
14-06-2022
01-04-18056-17/22
1255-2
5
12

SKUPŠTINA KANTONA SARAJEVO
n/r predsjedavajućeg

Predmet: Odgovor na zastupničko pitanje zastupnice Jasmine Bišćević-Tokić, dostavlja se
Veza: Vaš akt broj: 01-04-18056-17/22 od 24.05.2022. godine

Dana 30.05.2022. godine, ovo Pravobranilaštvo je zaprimilo vaš akt broj i datum veze, u kojem se navodi da je zastupnica u Skupštini Kantona Sarajevo Jasmina Bišćević Tokić na 52. Radnoj sjednici Skupštine Kantona Sarajevo postavila zastupničko pitanje koje je između ostalih upućeno i ovom organu.

Uvidom u priloženo zastupničko pitanje utvrđeno je da je Skupština Kantona Sarajevo usvojila dva Amandmana zastupnika Vibora Handžića, na Prijedlog odluke o davanju saglasnosti na Finansijski plan Zavoda zdravstvenog osiguranja Kantona Sarajevo za 2022. godinu i Odluku o izvršavanju Finansijskog plana Zavoda zdravstvenog osiguranja Kantona Sarajevo za 2022. godinu, te je s tim u vezi zastupnica postavila pitanje koji je pravni osnov za usvajanje, odnosno donošenje predmetnih amandmana uz detaljno obrazloženje zašto smatra da isti ne postoji.

U konačnici zastupnica poziva Pravobranilaštvo Kantona Sarajevo, da preispita sve navedeno, obzirom da Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača.

Prije svega ovo Pravobranilaštvo skreće pažnju na relevantne odredbe zakona o Pravobranilaštvu Kantona Sarajevo ("Službene novine Kantona Sarajevo" broj 33/08, Novi prečišćeni tekst i 07/12, 44/16, 45/21) i to odredbu člana 8. stav 2. na koju se zastupnica poziva a koji kaže "Izuzetno od odredaba prethodnog stava Pravobranilaštvo vrši poslove pravne zaštite imovine i imovinskih interesa javnih preduzeća, javnih ustanova i drugih pravnih lica čiji je osnivač, odnosno suosnivač Kanton, a po zahtjevu osnivača, odnosno suosnivača."

Ovo znači da Pravobranilaštvo Kantona Sarajevo, poslove pravne zaštite imovine i imovinskih interesa javnih preduzeća, javnih ustanova i drugih pravnih lica vrši samo po zahtjevu Skupštine Kantona Sarajevo.

Nadalje, u smislu odredbi Zakona o pravobranilaštvu Kantona Sarajevo pravno mišljenje Pravobranilaštvo daje u postupku donošenja općih akata kojima se uređuju imovinsko-pravni odnosi, prava i obaveze prema stvarima i vlasništvu Kantona, odnosno u vezi sa zaključivanjem ugovora imovinsko-pravne prirode, a kako to proizilazi iz odredbi člana 14. i 15. stav 2. navedenog Zakona. Također, temeljem člana 16. Zakona o pra-



vobranilaštvu. Pravobranilaštvo daje Skupštini Kantona i organima kantona, na njihov zahtjev, pravno mišljenje o imovinsko-pravnim ugovorima koje namjeravaju da zaključe sa stranim pravnim i fizičkim licima, kao i drugim imovinsko-pravnim odnosima sa tim licima.

Kako se opisana situacija povodom koje ste dostavili zastupničko pitanje (preispitivanje pravnog osnova usvojenih amandmana) ne može podvesti pod nadležnosti pravobranilaštva shodno naprijed navedenim odredbama Zakona o pravobranilaštvu, **preispitivanjem pravnog osnova za usvajanje odnosno donošenje predmetnih amandmana izašli bi iz okvira nadležnosti Pravobranilaštva.**

Međutim, ovo Pravobranilaštvo je obavljajući poslove iz svoje nadležnosti upoznato sa predmetnom problematikom na način da je ovaj organ zaprimio tužbu jednog od ljekara specijalista pedijatrije protiv tuženih 1. Kanton Sarajevo, 2. Zavod zdravstvenog osiguranja Kantona Sarajevo i 3. JU OPĆA BOLNICA "Prim. Dr. Abdulah Nakaš" Sarajevo. U ovom parničnom postupku Pravobranilaštvo se pojavljuje kao zakonski zastupnik prvotuženog Kantona Sarajevo, ali ne i drugotuženog i trećetuženog jer za to nema zakonskog ovlaštenja.

Nadalje, usvojenim amandmanima u Odluci o davanju saglasnosti na Finansijski plan Zavoda zdravstvenog osiguranja Kantona Sarajevo za 2022. godinu pozicija 2.3.1. "kto 613943 "Deficitarne usluge zdravstvene zaštite i usluge PCR testiranja ugovorene u skladu sa javnim pozivom" smanjene su za iznos od 500.000 KM a dodana je nova pozicija 2.5. P "Sredstva za finansiranje obaveza po Amandmanu SK za namirenje obaveza prema zdravstvenim ustanovama za prelazak 5 dr. specijalista pedijatrije u JU "Opća bolnica "Prim.dr. Abdulah Nakaš" na kojoj se prebacuje umanjeni iznos od 500.000 KM.

Drugim usvojenim Amandmanom na Odluku o izvršavanju Finansijskog plana Zavoda zdravstvenog osiguranja Kantona Sarajevo za 2022. godinu dodan je novi član 18.a kojim je predviđeno da se gore navedena sredstva planirana na poziciji 2.5. P realizuju na osnovu pregovora i postignute nagodbe potražiocima sredstava na način da se izvršenim plaćanjem okončavaju sve obaveze pedijatarata, odnosno Kantona, Opšte bolnice i Zavoda u slučajevima gdje su sudski postupci pokrenuti.

S tim u vezi, ovo Pravobranilaštvo primjećuje da realizacijom usvojenih amandmana se stvaraju pretpostavke za povlačenje tužbe u gore navedenoj pravnoj stvari, kao i izbjegavanje novih tužbi.

Budući da ovo Pravobranilaštvo nema nadležnost da radi analizu odnosno projekciju procentualne vjerovatnoće ishoda sudskog spora niti ekonomske učinke istog (u kontekstu ishoda i dužine trajanja) po budžet Kantona Sarajevo, te stog aspekta nismo u mogućnosti reći da li su tužbeni zahtjevi ljekara pedijatarata osnovani i kakav je njihov uticaj na budžet Kantona Sarajevo, ali ukoliko njihov zahtjev sud usvoji napominjemo da su tuženi dužni osim glavnog duga isplatiti zakonske zatezne kamate i troškove postupka.

Shodno navedenom ovo Pravobranilaštvo će u skladu sa svojim zakonskim ovlaštenjima preduzeti sve mjere i radnje u cilju zaštite imovine i imovinskih interesa Kantona Sarajevo u navedenim postupcima.

S poštovanjem,

ZAMJENICA PRAVOBRANIOCA

Almira Kurlovać Šetkić



web: <http://vlada.ks.gov.ba>
e-mail: premijer@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

